



Future-proofing our children

Sikolo sa la Sunda – Sitopa sa Bubeli

Toho ya Tuto Jesu u lu luta ku lapela

Buka ya Bashemi

Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “**Jesu u lu luta ku lapela**” ya Sikolo sa la Sunda Sitopa sa Bubeli.

Pampili ye, imi tusa hainyani ka mo, muswanela ku fela tuto ye:

Mukwa mo mu swanela ku itukiseza ni fa tuto ye ka ona

Ze tatama ki zeñwi zeo mu swanela ku eza mwa ku itukiseza ni ku fela tuto ye.

Muhato	Kezo
1.	Mu kene fa likepe la Keleke Yenca ya Baapositola, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibebe • Mapampili a likisizwe kale a tuto ye. • Buka mwa sebeleza mwanana, lopitoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba ba li mwa litopa za Tiisezo) Mamela: 2.1: Nako yende ya kufa tuto ki la Sunda kakusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba hahulu mwan’a mina ni ku fita. <i>Ka mulao, Sikolo sa la Sunda hasi swaneli ku fitelela mizuzu ye mashumi a mane ka ye keta-lizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba Sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mu bone tapelo ye ñozwi, kwa mafelelezo) mi mu kupe Mulimu kuli ami eze sisebeliso mwa kufa tuto ye, ka mwa latela Yena.



Mu fe tuto ya Sikolo sa la Sunda mwa Malapa

Mukwa mo mu swanela ku itukiseza ni fa tuto ye ka ona

Lu zwela pili ku mifa mikwa, yeo mu swanela ku itukiseza ni ku fa tuto ye.

Muhato	Kezo
4.	Mu eze sibaka sa tuto ku ba se sinzi hande (ku sina lilata) foo mina ni mwanana mu bani ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu ifolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumanaha ku amana in Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amañwi a Sikolo sa la Sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwan'a mina.
3. Mu be baba lukuluhile, ku batisisa litaba zeñwi ku amana ni tuto ye.



Tuto

Toho ya Tuto	Jesu u lu luta ku lapela
Timana	Ha kuna bubali bwa Bibebe
Mutomo/butokwa bwa Tuto	Banana ba ituta kuli Jesu u lu lutile ku lapela. Tapelo ki ya butokwa ku luna. Banana ba ituta kuli ba kona ku bulelela Mulimu lika kaufela.

Kusufazo ya Tuto:

- Mwa lituto za luna ze talu ze felile, lu itutile kuli Jesu u lu lutile ku lapela Tapelo ya Mulena, ni kuli lu lapele ka nako kaufela. Kacenu lu ka ituta kuli ku bunolo cwañi ku lapela Mulimu luna beñi, ni ka manzwi a luna beñi.
- Nako yeñwi manzibwana, Anna na inzi mwa ndandulo ya hae a itukiseza ku pumula, mi m'ahe a kena mwa munyako. Ba ambola za lizazi li linde la Anna, mo na bapalela fande ni balikani ba hae mwa mayemo a mande a lihalimu, ni ka mo na batile ku bela mwa kozi ya kanamutendele. Mushimani a matela fapil'a hae, kono a palelwa ku pakisa ku yema ka putako.
- M'ahe a kupa Anna ku fa tapelo, kuli a si ke ku nga ka ku twaela kuli ku pumula ni makete a mande busihu ni busihu. Kono Anna n'a sa zibi kuli u ka bulela sikamañi kamba kuli u ka bulela cwañi. M'ahe a mu taluseza kuli ku lapela ha ku tata, kakuli u bulela ku Mulimu ka mukwa wo mwana a bulela ku m'ahe kamba ndat'ahe.
- Ha u tateka tapelo ya hao, u na ni ku itumela ku Mulimu kwa lika kaufela. Kasamulaho wa ku itumela, u kona ku bulelela Mulimu likupo ni litakazo za hao kaufela. Lu si ke lwa ikupula feela luna lu nosi ha lu lapela, lu hupule ni batu ba bañwi, kamutala, baluti ba linzwi, balikani, mabasi ni bakuli.
- Ki kwa butokwa ku sa libala ku kupa Ndat'a luna wa kwa Lihalimu ku kusufaza nako ya tibebele, ni ku lu ngela kwa hae ku Yena kapili, kwa mafelelezo a tapelo ni tapelo.
- Tapelo ya Mulena, yeo lu lapelanga, ki ya butokwa hahulu. Jesu n'a ize kuli lu lapele ka pilu ya luna kaufela, ni ku lumela kuli Mulimu wa lu utwa mi wa lu tusa, ni kuli lu lapele ka sepo isi ka putako.
- Ha lu lapela, lu be mwa sibaka se si kuzize mo ku si na lilata, fa mañwele a luna, inze lu putile mazoho ni ku itima kwa meeto. Lu kona ku lapela nako ifi kamba ifi



mwahal'a lizazi, ni ka mo lu tokwela, Ndat'a Luna wa Lihaliimu wa utwa litapelo za luna kamita. Kasamulaho wa ku utwa zeo kaufela, Anna a fa tapelo ya hae.

Kanti tuto ye italusa sikamañi ku luna kacenu?

- Mulimu u utwa litapelo za luna h'a lu lapela ka lipu ya luna kaufela ni ka niti.
- Ku lapela ki kwa butokwa mwa bupilo bwa luna bwa kazazi, si na ha lu itamahanya ku Ndat'a Luna wa Lihaliimu. Ku bunolo ku bulela ku Mulimu.
- Ha lu lapela, lu be mwa sibaka se si kuzize, lu putile mazoho ni ku itima kwa meeto.
- Lu tateka tapelo ka ku fa buitumelo, mi ku latelela likupo za luna ku Mulena, isi feela za luna lu nosi, kono ni za ba bañwi cwalo.
- Lu feza tapelo ka "Mulena kusufaza nako, luma Mwan'a Hao a lu ngele kwa hae ka muhau, mwa libizo la Jesu, Amen."

Mamela, ku lapela ka zazi ki kwa butokwa. Lu kona ku lapela nako ifi kamba ifi, mi lu bulelela Mulimu lika kaufela. Kamita mu lapele ka niti, kamita ni ka tumelo. Mu sepe Mulimu, U utwa litapelo za luna.

Zeñwi za lipuzo zeo lu kona ku buza:

1. **Lu itumela ka Mulimu ka lifi mwa tapelo?** Mu fe mwan'a mina sibaka sa ku alaba.

Kalabo: kwa pabalelo, bashemi, mabasi, balikani, makete a mande, babotana, bakuli ni cwalo-cwalo.

2. **Lu kona ku lapela nako ifi?** Mu fe mwan'a mina sibaka sa ku alaba.

Kalabo: Lu kona ku lapela ka nako ifi kamba ifi (ha lu zuha, pili lu pumula, pili lu ca, ni cwalo-cwalo).



Tapelo ye fiwa pili tuto i si ka tateka:

Mulimu ya lateha. Lwa itumela kwa lizazi la kacenu.

*Tusa kuli lukone ku lemuha ku bateŋi kwa Hao
Fuyola tuto ye lu ka ba ni yona,
Lu cale peu yende ka bunde bwa bupilo bwa luna.*

Lumeleza feela bunde ku mela mwa lipilu za luna.

*Luma Jesu a to lunga,
Mi u lu tuse ku itukiselize ku mukatanyeza
Mwa libizo la Jesu lwa lapela.
Amen*

Tapelo kasamulaho wa tuto:

Ndate ya mwa lihalimu, Lwa itumela kakuli u lu silelelize kacenu, ni kuli ha kuna kozi ye bile teŋi ha ne lu itabisa ka lipapali. Lwa kupa u lu lumeleze ku pumula hande busihu bo ni ku ba ni lizazi le linde kamuso. Na kupa ni tuse mwa lituto za ka mwa sikolo, ni kuli ni be mwa silikani se sinde ni balikani ba ka kuli ni si ba lwanisi. Kamita u be ni me ni ndate. Fuyola Muapositola yo Muhulu, Baapositola ni baeteleli ba keleke kaufela, mi u ba sileleze mwa misipili ya bona. Na kupa u tuse bana ba Hao kaufela, sihulu ba ba kula. Taha kapili u lu ngele kwa hae. Mwa libizo la Jesu. Amen.